

~~~~~  
G R A T I A R U M  
A C T I O N E S  
P O S T M I S S A M .

---

A N T . Trium Puerorum . *In duplicibus dicuntur integra.*

C A N T I C U M T R I U M P U E R O R U M . *Dan . 3 .*

Benedicite, omnia opera Domini, Domino : \* laudate et superexaltate eum in sæcula.

Benedicite, Angeli Domini, Domino : \* benedicite, cœli, Domino.

Benedicite, aquæ omnes quæ super cœlos sunt, Domino : \* benedicite, omnes virtutes Domini, Domino.

Benedicite, sol et luna, Domino : \* benedicite, stellæ cœli, Domino.

Benedicite, omnis imber et ros, Domino : \* benedicite, omnes spiritus Dei, Domino.

Benedicite, ignis et æstus, Domino : \* benedicite, frigus et æstus, Domino.

Benedicite, rores et pruina, Domino : \* benedicite, gelu et frigus, Domino.

Benedicite, glacies et nives, Domino : \* benedicite, noctes et dies, Domino.

Benedicite, lux et tenebræ, Domino : \* benedicite, fulgura et nubes, Domino.

Benedicat terra Dominum ; \* laudet et superexalte eum in sæcula.

Benedicite, montes et colles, Domino : \* benedicite, universa germinantia in terra, Domino.

Benedicite, fontes Domino : \* benedicite, maria et flumina, Domino.

Benedicite, cete et omnia quæ moventur in aquis, Domino : \* benedicite, omnes volucres cœli, Domino.

Benedicite, omnes bestiæ et pecora, Domino : \* benedicite, filii hominum, Domino.

Benedicat Israel Dominum ; \* laudet et superexalte eum in sæcula.

Benedicite, Sacerdotes Domini, Domino : \* benedicite, servi Domini, Domino.

Benedicite, spiritus et animæ justorum, Domino : \* benedicite, sancti et humiles corde, Domino.

Benedicite, Anania, Azaria, Mizael, Domino ; \* laudate et superexaltate eum in sæcula.

Benedicamus Patrem et Filium cum sancto Spiritu ; \* laudemus et superexaltemus eum in sæcula.

Benedictus es, Domine, in firmamento

cœli; \* et laudabilis, et glorusus, et super-exaltatus in sœcula.

Gloria Patri.

*Psalmus 15.*

Laudate Dominum in sanctis ejus : \* laude eum in firmamento virtutis ejus.

Laudate eum in virtutibus ejus : \* laudate eum secundum multitudinem magnitudinis ejus.

Laudate eum in sono tubæ : \* laudate eum in psalterio et cithara.

Laudate eum in tympano et choro : \* laudate eum in chordis et organo.

Laudate eum in cymbalis bene sonantibus : laudate eum in cymbalis jubilationis : \* omnis spiritus laudet Dominum.

Gloria Patri, etc.

ANT. Trium Puerorum cantemus hymnum quem cantabant Sancti in camino ignis, benedicentes Domino.

*Tempore Paschali additur : Alleluia.*

Kyrie eleison. Christe eleison. Kyrie eleison. Pater noster.

¶. Et ne nos inducas in tentationem;

¶. Sed libera nos a malo.

¶. Confiteantur tibi, Domine, omnia opera tua,

¶. Et sancti tui benedicant tibi.

¶. Exsultabunt Sancti in gloria;

POST MISSAM.

¶. Lætabuntur in cubilibus suis.

¶. Non nobis, Domine, non nobis,

¶. Sed nomini tuo da gloriam.

¶. Domine, exaudi orationem meam,

¶. Et clamor meus ad te veniat.

¶. Dominus vobiscum,

¶. Et cum spiritu tuo.

*Oremus.*

Deus, qui tribus Pueris mitigasti flamas ignium, concede propitius, ut nos famulos tuos non exurat flamma vitiorum.

Actiones nostras, quæsumus, Domine, aspirando præveni, et adjuvando prosequere; ut cuncta nostra oratio et operatio a te semper incipiat, et per te cœpta finiatur.

Da nobis, quæsumus, Domine, vitiorum nostrorum flamas extingue, qui beato Laurentio tribuisti tormentorum suorum incendia superare. Per Christum Dominum nostrum. Amen.

ORATIO S. THOMÆ AQUINATIS.

Gratias tibi ago, Domine sancte, Pater omnipotens, æterne Deus, qui me peccatum, indignum famulum tuum, nullis meis meritis, sed sola dignatione misericordiæ tuæ, satiare dignatus es pretioso corpore et sanguine Filii tui Domini nostri Jesu Christi;

et precor, ut hæc sancta Communio non sit mihi reatus ad pœnam, sed intercessio salutaris ad veniam. Sit mihi armatura fidei, et scutum bonæ voluntatis. Sit vitiorum meorum evacuatio, concupiscentiæ et libidinis exterminatio, charitatis et patientiæ, humilitatis et obedientiæ, omniumque virtutum augmentatio; contra insidias inimicorum omnium, tam visibilium quam invisibilium firma defensio; motuum meorum tam carnalium quam spiritualium, perfecta quietatio; in te uno ac vero Deo firma adhaesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo et Spiritu sancto Sanctis tuis es lux vera, satietas plena, gaudium sempiternum, jucunditas consummata, et felicitas perfecta. Per eumdem Christum Dominum nostrum. Amen.

## ORATIO DICENDA POST MISSAM.

Omnipotens semperne Deus, conservator animalium, mundique Redemptor, me famulum tutum ante Majestatem tuam prostratum benignissime respice, et Sacrificium quod in honore nominis tui, pro salute fidelium, tam vivorum quam etiam defunctorum, et pro peccatis et offenditionibus meis obtuli, piissime recipe; iram tuam a me remove; gratiam et misericordiam mihi concede; januam

Paradisi mihi pande; ab omnibus malis me potenter eripe; et quidquid proprio commisi reatu, clementer indulge. Et sic in hoc sæculo in præceptis tuis fac me perseverare, ut dignus Electorum gregi copulari efficiar, te præstante, Deus meus, cuius nomen benedictum, honor atque regnum permanet in sæcula sæculorum. Amen.

## RHYTHMUS S. THOMÆ

*Ad sacram eucharistiam.*

Adoro te devote latens Deitas,  
Quæ sub his figuris vere latitas:  
Tibi se cor meum totum subjicit,  
Quia te contemplans, totum deficit.

Visus, tactus, gustus in te fallitur;  
Sed auditu solo tuto creditur.  
Credo quidquid dixit Dei Filius,  
N<sup>on</sup> hoc verbo veritatis verius.

In cruce latebat sola Deitas;  
At hic latet simul et humanitas:  
Ambo tamen credens atque confitens,  
Peto quod petivit latro penitens.

Plagas, sicut Thomas, non intueor;  
Deum tamen meum te confiteor:  
Fac me tibi semper magis credere,  
In te spem habere, te diligere.

O memoriale mortis Domini!  
Panis vivus, vitam præstans homini;

Præsta meæ menti de te vivere,  
Et te illi semper dulce sapere.

Pie pellicane, Jesu Doinine,  
Me immundum munda tuo sanguine,  
Cujus una stilla salvum facere  
Totum mundum queit ab omni scelere.

JESU, quem velatum nunc aspicio,  
Oro fiat illud quod tam sitio,  
Ut te revelata cernens facie,  
Visu sim beatus tuæ gloriae. Amen.

## ORATIO AD DEI FILIUM.

Anima Christi sanctissima, sanctifica me:  
Corpus Christi sacratissimum, salva me:  
Sanguis Christi pretiosissime, inebria me:  
aqua lateris Christi purissima, munda me:  
sudor vultus Christi virtuosissime, sana me:  
passio Christi piissima, conforta me. O bone  
JESU, custodi me: intra vulnera tua abs-  
conde me: non permittas me separari a te:  
ab hoste maligno defende me: jube me ve-  
nire ad te, et pone me juxta te: ut cum An-  
gelis et Archangelis tuis laudem te per  
infinita sæcula sæculorum. Amen.

Obsecro te, mitissime et bone JESU, ut  
hæc immortalis hostia pro me tibi gratias  
referat, me tibi reconciliet, me tibi restituat,  
mihil peccatori veniam tribuat, et ad vitam  
perducat æternam. Amen.

## GRATIARUM ACTIO

## POST MISSAM.

O dulcedo cordis mei, et vita animæ meæ,  
et juvanda requies spiritus mei, dulcis JESU:  
immortales tibi ago gratias pro omnibus be-  
neficiis mihi collatis; signanter vero, quia  
hodie me dignum fecisti verum et immacu-  
latum corpus et sanguinem tuum pretio-  
sum consecrare, pertractare, illudque tibi  
offerre in memoriam tuorum mirabilium, ad  
tuam gloriam et in remissionem omnium  
peccatorum, tam meorum, quam illorum  
pro quibus orare et offerre proposui, illo-  
que in salutem et consolationem animæ meæ  
cibari et nutritri. Quapropter vere dicere  
audeo: Cibus meus Christus, et ego ejus.  
Multiplico ergo, et quotiescumque respiro,  
multiplicare intendo meam voluntatem in  
infinitum in tuis laudibus; precorque beatissimam Virginem, Angelos, Sanctos, Sanctas,  
et creaturas universas, pro me immensas  
tibi referre gratias. Imo quia ista minime  
sufficiunt, te supplico, ut tibi ipsi gratias  
agere, te laudare et glorificare compla-  
ceas; et quia dignatus es istam indignam,  
tuam tamen facere habitationem, dignare  
quoque apud ipsam perpetuam facere man-  
sionem. Effice me hominem secundum cor

tuum. Uni me tibi intime, et totum transforma et transmuta in te. Salva me, Jesu Christe, et cunetam a me hostis antiqui depelle nequitiam per innocentissimam tuam passionem. Oro itidem ut digneris gratias et indulgentias omnes quas hoc sacrificio vel communione mediante acquirere et lucrari possum, concedere tam mihi, quam aliis vivis et defunctis quibus applicare proposui; quia te ipsum pro ipsis exoro, pro quibus et tu vis et sanctissimus Pontifex intendit hac de causa me debere orare. Amen.

Pater noster, etc. Ave, etc.

#### ALIA ORATIO POST MISSAM.

Gratias ago tibi, omnipotens et misericors Deus, gratiarum actiones tremendae majestati tuae, piissime et immense Pater, habeo, quia me indignissimum et nefandissimum peccatorem, pretioso corpore et sanguine Fili tui Domini nostri Jesu Christi, consolari et satiare dignatus es. Queso igitur, dulcissime Domine Jesu, ut haec sancta communio non sit mihi ad judicium et condemnationem; sed, tua gratia et pietate, sit mihi suavitatis et dulcedo, animae meae salus et sanctitas, in omni tentatione pax et gaudium, in omni tribulatione lumen et virtus, in omni verbo et opere solatium, et tutela finalis in morte, ad evadendas omnium ini-

micorum meorum insidias, et proficiat mihi ad salutem corporis et animae in vitam æternam: et praesta, ut ibi nulla remaneat peccati macula, ubi tua sancta introierunt sacramenta. Qui cum Patre et Spiritu sancto vivis et regnas in sæcula sæculorum. Amen.

#### PRECATIUNCULA

*Sacerdotibus quotidie legenda, ut in dies  
Deo ferventius deserviant.*

(Ex Thom. a Kemp. de Imit. Christi.)

Adjuvet nos gratia tua, omnipotens Deus, ut qui officium Sacerdotale suscepimus, digne et devote tibi cum omni puritate et in conscientia bona famulari valeamus.

Etsi non possumus in tanta innocentia vitae conversari, ut debemus, concede nobis tam digne flere mala quæ gessimus, ut in spiritu humilitatis, ac honestæ voluntatis proposito, tibi ferventius deservire valeamus.

#### ORATIO AD BB. VIRGINEM MARIAM.

O serenissima et inclyta Mater Domini nostri Jesu Christi Virgo Maria, Regina mundi, quæ eumdem Creatorem omnium creaturarum tuo sanctissimo utero fusti digna portare, cuius idem sacratissimum corpus et sanguinem sumpsi, ad ipsum pro me miserio peccatore intercedere digneris, ut quidquid in hoc ineffabili sacramento ignoranter,

negligenter, irreverenter et accidentaliter omisi, tuis precibus sanctissimis mihi indulgere dignetur. Qui vivit et regnat in sæcula sæculorum. Amen.

## ALIA ORATIO S. BONAVENTURÆ.

Transfige, dulcissime Domine Jesu, muddas et viscera animæ meæ suavissimo ac saluberrimo amoris tui vulnere, vera, serenaque et apostolica sanctissima charitate, ut langueat et liquefiat anima mea solo semper amore et desiderio tui, te concupiscat, et deficit in atria tua, cupiat dissolvi et esse tecum. Da ut anima mea te esuriat, panem Angelorum, refectionem animalium sanctorum, panem nostrum quotidianum, super-substantiale, habentem omnem dulcedinem et saporem, et omne delectamentum suavitatis: te in quem desiderant Angeli prospicere, semper esuriat et comedat cor meum, et dulcedine saporis tui repleantur viscera animæ meæ; te semper sitiat fontem vitæ, fontem sapientiae et scientiae, fontem æterni luminis, torrentem voluptatis, ubertatem domus Dei: te semper ambiat, te quærat, te inveniat, ad te tendat, ad te perveniat; te meditetur, te loquatur, et omnia opereatur in laudem et gloriam nominis tui, cum humilitate et discretione, cum dilectione et delectatione, cum facilitate et affectu,

cum perseverantia usque in finem, et tu sis solus semper spes mea, jucunditas mea, gaudium meum, quies et tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, et possessio mea, thesaurus meus, in quo fixa et firma et immobiliter semper sit radicata mens mea et cor meum. Amen.

## SANCTUS AUGUSTINUS

## DE DIGNITATE SACERDOTIUM SIG AIT:

O veneranda Sacerdotum dignitas, in quorum manibus Dei Filius, velut in utero Virginis, incarnatur. O felices Sacerdotes, si sacerdotaliter vixeritis! O cœleste mysterium, quod per vos Pater et Filius et Spiritus sanctus tam mirabiliter operantur sub tam inefabili ministerio vestro, quo uno eodemque momento idem Deus qui præsidet in cœlo, in manibus vestris est in sacrificio! Cœlum miratur, horrescit infernus, contremiscit diabolus, reveretur quam plurimum Angelica celsitudo. Quid retribuam Domino (ut taceam de cæteris) qui retribuit mihi, pro tam singulari dono mihi sacrificio impenso, quod est datum optimum et omne donum perfectum? O venerabilium sanctitudo manuum!

O felix exercitium, ubi tractat Christum Sacerdos Dei Filium, cuius deliciæ sunt esse cum filiis hominum! O Sacerdotes, attendite! major est dignitas vobis collata quam Angelis, qui adorant quod vos conficitis, nec ipsi confidere possunt. O altitudo sapientiae Dei! O ineffabilis clementia Salvatoris! Quod datum non est Angelis, concessum est homini. Sacerdos hoc sacramentum ineffabilem conficit: Angelus confidenti, sibi quasi famulus assistit.

## SANCTUS CHRYSOSTOMUS

*Idem argumentum prosequitur his verbis:*

Multi Sacerdotes, et pauci Sacerdotes; multi in nomine, pauci in opere. Videte ergo, o Christi Ministri, quomodo sedeatis super cathedram, quia cathedra non facit Sacerdotem, sed Sacerdos cathedram; non locus sanctificat hominem, sed homo locum. Qui bene sederit super cathedram, honorem accipit ab illa; qui male sederit, injuriam facit cathedrae. In iudicio enim sedes: si bene vixeris et bene docueris, omnium judex eris; si autem bene docueris et male vixeris, tui solius. Nam bene vivendo et bene docendo, populum instruis quomodo vivere debeat, bene autem docendo et male vivendo, Deum instruis quomodo te debeat condemnare.

*Hom. 43, oper. imperf. in Matth.*

## MONITUM SACERDOTI

## PRO MISSÆ CELEBRATIONE.

Non vana gloria celebret, ut videatur devotus;

Non ex avaritia turpi, ne videatur parcus;

Non ex mera consuetudine, ne sit sacrilegus;

Non timore pravo, ne videatur servus:

Sed intendat sacrificio Deum, ut par est, colere,

Corpus et sanguinem Christi reverenter consecrare,

Mortem ejusque passionem annuntiare,

Vivis et mortuis abundantanter prodesse,

Deum placando peccato finem dare.

Optet anima devotionis augmentum,

Dei proximique charitatis incrementum,

Pro gloria Dei virtutis profectum,

Transformationem sui totalem in Deum.

## BREVIS EX S. LAURENTIO JUSTINIANO.

Accedat Sacerdos ad Altaris tribunal, ut Christus,

Assistat ut Angelus,

Ministret ut Sanctus,

Populorum vota offerat ut pontifex,

Pro pace interpellet ut mediator,

Pro se autem exoret ut homo.